











A. xxxvii. 17/✓
53142/A/2
by J. de Villiers.
A1 wanting



Payne
1771

• 65449 *9 Apperley*
NOBILIS
PHARMACOPOLA.

HISTORIA

Si non vera, jucunda tamen,

Nunc demum

LATINITATE

DONATA:

Cum nonnullis

EPISTOLIS.

*Quis reprehendet Otium nostrum, qui in
eo non modò nosmetipsos hebescere, &
languere nolumus; sed etiam, ut plu-
rimis prosumus enitimur? Cic. 4.
Qu. Acad. 13.*

LONDINI:

Ex Officina **M. C.** Prostant apud
BIBLIOPOLAS. clō lō cxciii.

94-10-18

29927

NOTES
PHARMACOLOGY

III ST. O. 11

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

PHARMACOLOGY

NOBILIS

PHARMACOPOLA.

Mulierum nobilium & formosarum Methodus, quatenus ad *Vene incisionem Clysterumque infusionem*, proculdubio admodum salutaris est, tum ad *integram Valetudinem sustentandam*, tum ad *formam adjuvandam*, sed maxime omnium Clysteres; quibus frequenter *Araminta* utebatur; non quod plus solito cuti nitorem inducere potuissent, sed potius ut Pulchritudinem vegetam moventemque fospitarent, quam nec creare nec augere penes se potestas erat.

Fortè evenit, cùm jussisset Tempestivum hoc Alexipharmacum curari, & ab Ancilla certior facta fuisset, omnia prout imperaverat parata esse, ut super Lectum recumbens, corpus ad imbibendam medicinam componeret, mirâque ac singulari patientiâ auxiliare munus expectaret. Mirâ Patientiâ, dico; *abditâ enim vis iræ celerius maciem & aniles rugas inducit; atque omnes insignioris formæ Fæminæ sese quasi Jurejurando obstrinxerunt Formis & Faciebus, quibus plurimum sperant, potissimum inservire.*

Heræ jam Corpore composito, prout dixi, atque, ut mos est, ita accommodato, uti quicquid in Cubiculo ageretur ipsa observare non potuit, ancilla se in pedes conjicit (aperto ostio relicto) ad afferendam mappam. Eoque temporis

P H A R M A C O P O L A. 7

poris articulo, dum linteum perquiritur, passu tacito *Timantus* (Dominæ admodum familiaris) ascendit scalas, spectansque aditum cuique patuisse, clàm Cubiculum ingreditur.

Quod primùm visu deprehendit par erat formosissimarum Clunium; quibus visis, paulisper secum dubitabat, partim præ reverentia, partim etiam præ stupore. Sed paulatim ad se rediens, & toto lumine circumcirca lustrans, siquis adfuisset, in Instrumentum quoddam flectit oculos, supra Cathedram, propè Spondam ab Ancilla positum. Id innocenter admodum Vir bonus attollit, oneratúmque inveniens, nec seipsum procul à Scopis, *Pharmacopolâ* deficiente, in animo statuit executionem illius negotii sibi suscipere, & confecit;

8 NOBILIS

tantâque dexteritate, ut nulli
Parisiensi Artifici secundus esse
videretur.

Extemplò, consummato opere,
clam se subduxit *Timantus*, tam
clanculùm quam irrepserat, om-
nibûsque sui adventus insciis.
Interea *Araminta* intra Velaria se
contraxit, stragulòque co-operta,
ne malè se haberet, componit
membra *Quieti*.

Nec tam citò *Timantus* domo
egressus erat, quin omni festina-
tione descenderet Ancilla, mille,
dum properat, parans excusatio-
nes, ne Hera stomacharetur, quæ
tam diu reditum suum expecta-
verat.

O factum benè, inquit, de
istoc gaudeo, Domina, utcun-
que evenit, te tam meritò, teip-
sam fovendo, valetudini indul-
gere. Sed nunc citò, si placet,
adsum

PHARMACOPOLA. 9

adsum tibi. Et meherculè Clyster, priusquam ascenderat Ancilla, aliquantulum calidior erat.

Quid (exclamabat *Araminta*) sibi vult hæc Inepta, vin' quidem ut repetam? & duos unà vice admittam?

Duos! Hera, veniam oro (inquit Ancilla) nihil tale prorsus adhuc habuisti.

Apagesis, tu nimium lascivis (ait *Araminta*) & finas ut hunc ejiciam, priusquam alterum injicias. Nonne tute ipsa jam nunc unum mihi adhibuisti?

Non equidem, Domina, ita me Dii ament, (dixit Puella) nam toto hoc tempore ipsa absui, ut in Solario Mappam exquirerem. Nunc verò, Hera mea, tibi-ipsi te Pharmacopolam fuisse intelligo: Vesicam namque exenteratam esse cerno.

10 NOBILIS

Ecastor non feci ego, dixit *Araminta*; sed nil certius est, quin Clysterem in Intestinis teneam, & quæcunque immisit Adjutrix erat egregia.

Ancilla iterum ac sæpius dejerabat, quòd ad se attineret, quo pacto, id fieri potuisset se prorsus nescire.

Hinc avidè & invicem sese spectabant, tantæque consternatione mirandâ quanta potuit maxima, vocibûsque deficientibus, huc atque illuc intuentes, cogitationum anxietates indicabant. Denique seipsas recolentes, Cubiculum diligenter rimabantur, ut hanc invisibilem Adjutricem investigarent; sed nusquam apparebat. Ex quo, unanimes Demonem esse proculdubio censebant, atque uno eodémque suffragio Domum Umbris inquietam esse ejulabant. Hæc

PHARMACOPOLA. 11

Hæc Quiritatio confestim totam Vicinitatem ad Cubiculum *Aramintæ* contulerat, ut ex ipsis quid rei erat resciscerent. Ancilla dicebat, eas à Larvis agitari, & perterreri. *Jesu Maria!* (vociferabatur grex, seipsas Crucis signaculo munientes) sed *quid fecerunt?* *quid fecerunt?* Ad hæc nihil aliud ab iis expiscari poterant, præterquam Dæmonem Artem Pharmacopolæ exercuisse.

Hoc ipso tempore Clyster *Aramintæ* alvum vehementer moverat, turbæque sibi, ultra quàm oportebat, molesta erat. Tormina tamen ventrisque Murmurationes compescuit, donec vix potuit: tum verò, urgente dolore gravi, petit ut liberam se relinquare vellent. Quamprimùm Turba locum expediverat, *Araminta* Clysterem Dæmoni rursus redde-

reddebat, & bene se habere sentiebat.

Casus hic fortuitus & pavore plenus erat, sed non ita formidabilis, ut Heroïnæ tantum repente metûs incuteret, quominûs illi Pulchritudo sua usitatâq; Delectatio curæ essent; nec Dæmon ipse potuit *Aramintam* impedire, quin more solito seipsam ornaret, atque eâdem Vesperâ in publicum prodiret.

Dum hæc agitantur, *Timantus*, visitandi gratiâ, ad insignis cujusdam Heroïnæ Domum, ab *Araminte* Cubiculo rectâ contendebat viâ. Interea tam fortuiti casus imaginatio ante ejus oculos continuò obversabatur, & quoties in mentem venerat, omninò temperare non potuit, quin risum tolleret Societati injucundum, dum unusquisque se contemptui habitum

PHARMACOPOLA. 13

tum censeret. Tum verò, ut seipsum ab omni culpa liberaret, necessitate quâdam coactus est indicare quid rei erat quæ tam hilarem illum fecerat, ne diutiùs eum malè moratum autridiculum crederent.

Dum Ausum enarraret suum, certiores illos fecit, quo pacto, favente Deâ Fortunâ, cuidam formosissimæ totius *Galliæ* Fœminæ officium *Pharmacopolæ* præstiterat; & deinde speciatim illis dicebat omnia, celato tantùm Ægrotantis nomine. Historia tam jucunda totius Societatis risum concitavit haud repentiè moderandum. Atque, ut breviter dicam, inter Facetias & Lepores, rarò unquam ullum Pomeridianum tempus festiviùs consummatum erat. *Pro certo, nomen illi tale est, dicebat, inter cæteras, una; vel tale, augurabatur alia; ac inter reliquas,*

14 NOBILIS

quas, nominis *Aramintæ* haud immemores fuere. Quod eò magis crediderunt, tum quia non clam illas erat sua Medicinæ Praxis, tum quia *Timantus* ipsius Domum sapissimè frequentabat.

Aramintæ, uti satis constabat, ingenium erat averfatum cum *Larvis* habere commercium. Ideoque cum penitus in animum induxisset Cubiculum Lemuribus exagitatum esse, maturavit se ornare & foras procedere. Et sic exiit ad visendam *Cephisam*, Domus illius Dominam, ubi tunc *Timantus* interfuit, atque etiam ubi adhuc (ut dixi) res in quæstione versabatur. Ejus ad adventum in Conclave animadverterunt astantes *Timantum* subridentem & erubescentem; quod Societatem conjecturis corroboravit *Aramintam* celatam illam

PHARMACOPOLA. 15

lam fuisse personam. A *Cephisa* blandis & benignis verbis perhumanè excipitur; cùmque à Genere & Dignitate Jus peculiare sibi vendicaret ad libitum loquendi, (postquam non minus de Vestitu, quam de *Araminta* Pulchritudine, varias sermonum facetias protulerat) Capitis periculum adibo, Domina, (inquit *Cephisa*, satis subdole) hodie te Medicinæ indulgisse, nam tale quiddam divinare mihi videtur Crasis vestra. *Araminta*, ut potuit, rubore rem celavit: ruborem verò illum *Timantus* simili Tincturâ prodidit, atque etiam subrisione quâdam, cui neque temperare potuit; quanquam ut strenuè istam comprimeret, dentes labellis illiserat; ita ut coactus esset ad fenestram se divertere, præ metu ne *Araminta* animadverteret, causamque

sámque imaginaretur. Omnes hæ circumstantiæ, seriò pensatæ, magis magisque Societatem confirmavere; cùmque Sermones in multam Noctem produxissent, appositumque jam tempus fuisset receptui canendi, unaquæque suum iter instituebat, confidenter nunc securæ, tam *Personam, quæ medicinam admiserat, quàm Pharmacopulam*, notos illis fuisse.

Haud ita longo post tempore, constante famâ, atq; omnium ore celebratum fuit, quod *Dæmon Aramintæ* Clysterem administraverat, idque ex sua Ancilla ortum, quæ primò cuidam familiari suæ, usitato fœminarum more, clanculùm indicaverat; exinde viritim percrebuit, donec ad *Aramintam* ipsam demum permanerat: tamque satis certè inter omnes constitit, ut in publicum.

P H A R M A C O P O L A. 17

cum prodire non potuerit, quin digitis vulgi per plateas monstraretur. Attamen hic Rumor haud diu inveteravit, antequam *Timantus* Dæmonis vicem in Fabula supplevit, cùm illa, utpotè quæ verisimilior esset Relatio, & quæ veritati magis appropinquaret, magis omnibus placeret.

Timantus hoc tempore quo se verteret nesciebat. Nam si (uti solitus) visitando abstineret, facile pro concessio sumptum fore prævidebat, omnes Rumori isti fidem adhibituros : sic, è contrà, si proficisceretur, idque ei objiceretur, quomodo rem evadere potuit, nescius erat, nisi negatione Criminis, inficiationeque Facti. In qua re timor illi erat, ne quod promulgaverat testimonium adversus eum perhiberet. His Cogitationibus exagitatus, decrevit eundum

eundum esse; at verò ubi primum atrii limen tetigerat, tam mirificè metu captus erat, ne *Araminta* in offensâ esset; animoque tam dubio, tamque ad stuporem usque cordis palpitatione discruciat, ut omninò suspicaretur se suæ gratiæ multò cupidiores esse, illamque longè violentius amare quam præviderat. Quod ipsum tanto magis sollicitabat, quia sibi pro certo constabat, illam jam inter Procos habuisse *Lycandrum*, qui tum Ruri erat.

Inter has mentis perturbationes Cubiculum ascendit *Araminta*, quam offendeat mille leporibus & venustatibus affluentem, quas pene nunquam prius animadverterat. Nam si credat aliquis quòd Mulierem amet, aut amare debeat, hoc satis est, si
non

P H A R M A C O P O I A. 19

non voti compos fuerit, hominem redigere ad tantam desperationem, ita ut seipsum Fascioliis suis suspendere non dubitet. Superventio hæc inopinata paulisper ejus linguam cohibebat, spectabatque Mulierem tanquam attonitus; è contrario, *Araminta* etiam stabat tanquam stupida, hærebátque defixis in terram oculis, an majori utrorum confusione incertum est.

Timantus, ne aspectum quidem Dominæ sustinere potuit, neque *Araminta* sui *Pharmacopolæ*; ita ut circiter quartam horæ partem ambo obmutuerint; imo ne minimus quidem obtutus emicuit inter eos ad indicandum quid voverint, si potuissent proloqui.

Tandem *Araminta* in hunc modum exorsa est, transversoque intuitu, *Timante*, (inquit illa) *A-*
liquid

liquid credo esse injuria, quod molestè fero, à te acceptum. Atque ----
Tum verò reticuit.

Quod cùm observavisset *Timantus*, *Domina*, (inquit ille) existimare nequeo quid quod ita ægrè à me in contumeliam accipias, qui (ita Dii me ament) nunquam aliquid in animo habui, quàm ut tibi inserviam.

Attamen aliqua sunt Officia, respondit illa, quæ nollem à *Timanto* in me conferri; nec verò necesse est dicere cujusmodi sunt.

Utinam ecquando tam fortunatus ille ipse fuisset, *Domina*, (inquit *Timantus*) qui officia tibi grata præstiteram, ut discriminarem inter ea quæ tibi perjucunda, atque ea quæ tibi infensa sunt.

Officia mihi probata (inquit *Araminta*) minimè gentium istius generis

PHARMACOPOLA. 21

generis sunt quæ tute ipse mihi præstitisti.

Ad hæc, juvenile decus pingere Malas cœpit; sed *Timantus* persequitur orationem, quasi nihil quicquam tale fuisset. Proh dolor, Domina! inquit ille, *Officia quæ tibi præstiti!* Fateor me, toto vitæ spatio, omnibus contendisse nervis vestræ utilitati inservire, sed adhuc, nescio quo infaulsto omine, occasionem semper amisisse.

Ut illud faceres, inquit Araminta, certò mihi constat, qualemcunque te ansam arripere velle, priusquam occasionem desiderabis.

Qui nunquam habuit occasionem, inquit *Timantus*, necesse est ut eâ destituatur; neque ullam exoptarem, nisi commodi vestri gratiâ. Et-----

Tum *Araminta*, medium intercepti-

ciens sermonem, *Possibile est*, inquit illa, *ut obveniente occasione, penes te sit officium mihi prestare, quod vix tibi referendum est acceptum; & fortasse idem illud à te jamdudum reverà perpetratum est.*

Si sic fuerit, Domina (inquit *Timantus*) quomodocunque clam me est.

Age, age, (inquit *Araminta*, attollens vocem) *satis prestigiarum; non me fugit quid perpetrasti, satisque fecisti ut qui sempiterno apud me odio sis.*

Si tibi inservivi, Domina, ut arbitraris, cur, inquit *Timantus*, me detestareris, aut molestè ferres, quia tibi operam locavi, nescio.

Veruntamen, inquit *Araminta*, *id agrè patior, agerrimè.*

Mentem nequeo ad cogitandum instituere (inquit ille) id
à

PHARMACOPOLA. 23

à te ex animo dictum esse ;
nam si tibi usui fui, putarem me
Præmiis potius ut à te donarer,
quam Probris increparer, meru-
isse.

*An verò tu solus ignoras, inquit
Araminta (postquam paulisper
sermonem intermiserat, sentiens
se illum non potuisse inducere ut
ad rem loqueretur) quod aliqua
sunt officia, quæ nunquam præstan-
da sunt, nisi veniâ prius impetra-
tâ ?*

Quod ad me attinet , ait ille,
mea sic est ratio, Nobilissima il-
la esse servitia quæ clam absque
jactatione perficiuntur. Veniæ
impetratio plus nimis vanitatis &
ostentationis redolet, rem in ante-
cessum publicando ; evenitq; sæ-
penumero futile tantum prætex-
tum, cum id quod conati fuimus,
consequi nos posse desperemus.

Quod

24 NOBILIS

Quod superest, inquit ille, plus semper generositatis habet, ut quilibet de seipso reticeat, non modo dum servitium absolvat, sed si fieri potuerit, in æternum, inde ab illo tempore quo servitium absolutum fuit.

Et tu, inquit Araminta, nihil fecisses melius, quàm si istius servitia sua reticentis gregis te præbuissem unum. Nam servitium quod nunc in litem venit, istius ordinis est, quod Reprehensionem multo magis quàm præmium mereatur.

Servitium quod tibi præstiti, (reposuit *Timantus*) proculdubiò novi & inauditi generis est, si tale fuerit quale est à te relatum; sique id quicumque præstitisset se commisisse facinus nescius sit. Esto tam facilis, quæso, ut te exorem mihi suggerere vel aliquod indicium edere, quo rem intel-

PHARMACOPOLA. 25

intelligam ; tibique confirmo simulac primùm resciscam, me non tam scrupulosum fore ut inficier. Id dicendo præviderat, ut quo se verteret ipsa nesciret ; & sentiens se illam in Labyrinthum induxisse , At , Domina, inquit ille, servitium quod animadvertis, tam tibi penitus, ut mihi videtur, quàm mihi prorsus ignotum est ; & tute istius quod passa fueris, minùs rationem reddere potis es, quàm egomet ipse illius, quodcunque fuit, quod ipse præstiti.

Age, Age, inquit Araminta, nosmet ipsos intelligimus : & cùm servitium ita sit ignominiosum, ut fixum tibi sit illud abnuere, haud ita multum laborabo te certiorum facere. Quid multa, tale servitium fuit, quod apud omnes antiqua Virtutis viros tibi Fame no-

B

tam

26 NOBILIS

*tam inurere valebit ; cujusque, pro-
ut meruit, sempiternò memor ero.
Sed satius esse credo nobis aliquid
aliud confabulari.*

*Dum Timantus reponere stu-
duit, ipsa sermonem intercipi-
ens, An fuit inauditum tibi, dixit,
facinus cujusdam Viri nobilis, qui
nuperrimè non infima sortis Fæmi-
na Clysterem immisit ?*

*Etiam, inquit Timantus, (non
paulùm perplexus Interrogati-
one tam inopinata) audiui tan-
tùm, at mihi quidem non her-
clè verisimile est.*

*Aberras à proposito, reposuit
Araminta, nam sive verum sive
falsum sit, idem illud ipsum mihi
videtur esse : attamen ad rogatum
responde, Si tu istius vice functus
esses, quid consilii capere voluisses ?*

*Tum Timantus, quoniam illic
non adfui, ad amussim exprime-*

PHARMACOPOLA. 27

re non possum quid illicò transe-
gissem, perindè ac si interfuis-
sem; neque pulchrè calleo qua-
le ingenium gerere mihi placu-
isset.

*Age, inquit Araminta, sed uti
nunc inclinat mens, quid agendum
putas, si quicquid tale jamjam acci-
deret ?*

*Rem ipsam monstra mihi, Do-
mina, reposuit ille, tibique
ostendam quid fecisse vellem;
nam in alias deducti sumus co-
gitationes, quando Species rerum
objectarum ante oculos versantur;
aliter judicamus, cùm Imaginati-
ones tantùm animis contemblemur.*

*Si nescis quid egisse voluisses, dic
sodes, inquit Araminta, quid a-
gendum ab altero putas ?*

*Id, aiebat ille, summam af-
fert rei difficultatem; nam,
Domina, si mihi non constitit*

28 NOBILIS

quid *ipse egomet* agerem, quo pacto me divinare credis quid alter à seipſo peragendum voluiſſet ?

Non te rogo (dixit formosissima *Aaraminta*, paulisper exardens) *quid tute ipse constituiſſes, aut quid alter* (ſi *Casus tam fortuitus acciderit*) *absolvere voluiſſet, ſed quid à te, vel ab altero factum oportuerat ?*

Domina mihi ſic videtur, inquit ille, (ut quid ſentiam non reticeam) venerationem formosæ huius Mulieris Clunibus debitam Contumeliâ illum affeciſſe, ſi coram illis ſe tam ſuperſtitioſum geſſiſſet, vel ſi receptui ceciniſſet præ metu ne Podex ſuppunderet, pro deridiculo videretur, effœminatúmque tam præſentis Animi, quàm Urbanitatis defectum indicaverat. Nimiis non opus eſt Cæremoniis, Domina, dum occupati

P H A R M A C O P O L A . 29

cupati fumus *circiter ea loca*, & utrique sexui periisse mihi videretur ille, qui cum in tam notabilem insperatamque obvenisset occasionem, oculos cohiberet. Non quin concedere potuissem Dominæ, quæ tam negligenter deprehensa fuisset, perleviter commoveri & conturbari, nec illam pergraviter reprehendere in animo haberem, si virum, qui suæ salutis tam officiosè incubuisset, arrogantem vel belluinum appellasset. Attamen, Domina, ut apertè tibi fabuler, Fœmina, quæ satis rem suam intelligit, & ut sunt Mundi mores sapit, nunquam de re tam nullius momenti maximas Turbas daret; sed sponte sua potius Jocationem agigaret, ne ab aliis fieret. Quorum procreantur homines, nisi quod fœminis utiles esse possint?

Et si sua præstent Officia, nihil refert qualis sit occasio. Ah! Domina, *Pars* illa delicata est & mollis: quis scit, quin Aeris præ frigore intemperies, momento temporis vitæ suæ periculum iniecisset? Clysterisq; virtus omnino evanuisset, si mora ulla plus justo frigidiorum illum reddiderat. Etiam tibi liceat animadvertere, ut quamprimùm opus suum peregisset, non minus clanculum discessit. Obsecro te cujus Criminis jam totum hoc quantumcunq; est arguendum esse arbitraris? nisi tu virum propter Humanitatem tantùm condemnare velis; vel ob prudentiam, ut qui oblatam tenebat occasionem, dum Dominae tam decoræ inserviret? Hæc mea sententia est, Domina, & quod effecissem si vicem illius belli Hominis implevissem; & quod

PHARMACOPOLA. 31

quod ab altero faciendum censeo,
si tam bellissimam nactus esset
opportunitatem.

Hæc disceptatio multum ad-
modum *Aramintæ* pudoris incus-
sit, quem non paucis levioribus
artificiis, acies oculorum sæpius
avertendo, vel aliis astutiis, sa-
tis callidè pro facultatibus, ~~ab~~
Timanto celavit. Et cum finem
dicendi fecisset, *Eja*, inquit illa,
Istud si tibi persuasum habes, sic
habeto; attamen tibi confirmare
possum, quod seorsum abs te sentit
ipsa, cui permultum interest Histo-
ria; fastidit hominem; cùmque
sibi prorsus innotuit te unum in to-
to terrarum orbe ex animo Amicum
esse suum; Hoc mihi in mandatis
dedit, ne vultum ipsius posthac a-
spicias, atque ubicunque visa fuerit,
ut absis illinc; idque ut erat im-
peratum, adhortor te, quod multo

32 NOBILIS

tibi satius erit sponte tuâ rem mandatam exequi, quam vi cogi.

Hæc comminatio nihil est quod me terreat (inquit *Timantus*) sed, tui ergò, tibi me dedo ; sub ea conditione tamen, ut quænam sit hæc Fœmina omnium speciosissima mihi dicere clariùs digneris. Destituit me, Domina, divinandi facultas : Illam igitur tam mihi penitùs ignotam quo pacto devitare possum? Prout à te statutum est, neque ullam unquam posthac formosam Fœminam mihi licebit intueri, præ metu ne foret ipsa eadem excellentissima Domina, cujus à conspectu interdictus sum. Non, non sic Domina, nimio plus bonitatis ac moderationis in te situm esse certus sum, quam ut aliquid tam tetricum aut iniquum à me postules.

Si

PHARMACOPOLA. 33

Si totius Sexus abdicatio felicitate singularis tuæ gratiæ, jucundissimâque consuetudine fruendi loco tibi satis esset commutationis, ultrò fidem meam obstringam, nunquam ullius cujuscvis Mulieris faciem præterquam tui ipsius me visurum, atque omne id deputabo esse in lucro, si tot quot reperiri possint Venustates in universali muliebri specie diffusas derelinquere cogar, pro concursu harum omnium in una eadêmque tua persona.

Id requiris quod minimè concedendum est, (inquit Araminta) lesa nâmq̃ue Domina atque ego, tam unius Animæ participes sumus, ut aliquid impossibile aggrederetur qui uni placuisse studeret, aliquid faciendo, quicquid id erit, quod alteri displicere contigerit. Quàmobrem obnixè te flagi-

34 NOBILIS

to, ut nunquam ad me salutandum venias, nec posthac meipsam alloqui ausus sis, usque ad supremum vite terminum.

Hoc inhumanum ac barbarum est (inquit *Timantus* paululum commotus, virum tam temerè tamque crudeli pœnâ multari, ob delictum quod nunquam admiserat, Dominæque causa de qua nunquam malè meritus fuerat. Dic illi nihil esse plus injustum; Etiam -----

Satis, jam satis superque de hac re (inquit *Araminta*) *nisi memoratu dignior esset. Nimio plus fecisti quàm confiteberis, Dominamque quam tu iniquam vocas, non fugit, quisnam istius facinoris author erat. Nihil interest singula narrare; rem rectius tenere potes, etiamsi à nobis nullum indicium haberet. Restat mihi Amicæ meæ fideliter*

liter inservienti, ut te consulam, tibi esse diligentissimè Linguam continendam, ne moderandi modos imperare cogatur: Modos, quos multis de causis, satis sibi cognitis, adhuc omisit. Neque rem cogites evadere, clamitando te extra culpam esse. Contrarium tibi denuntio. Conspectus fuisti cum domo egressus sis: Aut si nemini visus fueras, quo pacto aliter censere potuisti, quin id quod à te tam palàm fuisset divulgatum, ad ipsam Dominam demùm permaneret? Age, age, (inquit illa gemitum dans) delibera quid à te factum fuit. Idque perpendito, æternùmque valeto.

Verbis his prolatis, proximum intrat cubiculum, atque in Conclavi seipsam conclusit.

Timanto nunc otium erat figillatim omnia quæ transacta fuerant:

rant recogitandi; cùmque sibi constaret, aut totum id in lucem prolatum esse, vel confestim emanaturum; induxit animum, ut quicquid mali accidisset, totum id in melius verteret; nam Facetiis & Festivitate rem eludi, quàm se purgando vel pernegando maluit. Cum paulisper quid ageret cogitaverat, offendens Atramentum & Papyrus suprà Tabulam, tanquàm ut voluisset, accommodatum, mandavit Literis cogitationes suas, ibidémque reliquit, tam propè Peristromata, tamque palàm & ante oculos omnium, ut siqui Cubiculum ingrederentur, impossibile fuisset quin viderent, & sic discessit; sibi credens, minimè dubium fore, quin ad manum, quam designaverat, obviam esset; & quod quamprimùm egressus fuerat, A-

raminta

PHARMACOPOLA. 37

raminta è Conclavi suo rursùs in Cubiculum emergeret. Vix ostii limen reliquerat, quin id ipsum attingeret *Neophila*, festiva Puella, & ex intimis *Timanto* admodùm familiaribus una. Quod primùm oculis accepit, erant Literæ à *Timanto* scriptæ, quas cum intercepisset, extemplò perlegere non dubitavit, (nam satis certum est, quòd hæ tam jocosæ Puellæ quicquid ad libitum agendi jus peculiare sibi-ipsis vendicent.) Hoc scriptum tam immoderatè *Neophila* risum concitaverat, atque ita repentè erupit, ut profusa cachinnatio *Aramintam* è Conclavi deduceret, utque quid actum fuit intelligeret: & eò factum est, ut quùm iterùm *Neophila* perlegeret, magis magisque cachinnum tolleret.

Amato

38 NOBILIS

Amabò, quid tibi in mentem venit ? (inquit Araminta.)

Omninò nihil, solummodò *Papyrus* suprà Tabulam hìc inveni (subjicit *Neophila*) cujus, ut opinor, tu rationem probabilem reddere potis es, si tibi non molestè fuerit.

Minimè verò, si in eo salus mea verteretur (replicat Araminta) Ego nunquàm adepol illud his oculis vidi.

Age, age, (inquit *Neophila*, limis subridens ocellis) absit dissimulatio, communia cùm oporteanit esse Amicorum inter se omnia. Verissimum est, Nomen *Araminta* huic *Papyro* non inscriptum esse, attamen planissimè patet quòd Fabula de te narretur; si possis, inficias eas. Dic, dic, amabò, cur simulas id tacitum tanquàm mysteri-

unt.

P H A R M A C O P O L A. 39

um à me tenere , quod totus terrarum orbis jurejurando firmare præstò aderit. Hoc oris *Araminta* colorem mutaverat, quanquam *Neophila*, multò magis quam alteri, quid vellet loqui sibi libitum esse deputabat : attamen iterùm ac sæpiùs etiam asseverare non dubitavit, seipsam de isto Papyro penitus nescire, cùm nec illud perlegisset, neque unquàm antea sibi visum esset. Tunc sanè, inquit *Neophila*, æquum est valdè ut perlegeres : Illic est. Legitque *Araminta* prout sequitur.

P H A R-

PHARMACOPOLA

Formosæ Suæ

ÆGROTANTI.

Domina,

EX Sermonibus vestris
circa Clysterem, te
nolle animadverto mihi to-
tum id indicare quòd tibi
satis constat; ita ut de
cæteris intelligam, Dæ-
monem invocare coactus
sum:

sim : quòd tui gratia
 haud ægrè fero ; ut tibi
 molestias abstergam lo-
 quendi, quòd mihi innotes-
 cere adhuc dubitâsti. Sed
 posthac obsecro te, Domi-
 na, de Querelis & Con-
 tumeliis verbum nullum ;
 quasi vel Benevolentia vel
 Observantia destitutus es-
 sem. Veruntamen jam Ar-
 gumentum ingressus pau-
 lulùm me hæsitare confite-
 or, utrum ne mallets ut ego
 te,

te, sub umbra Tertiæ
Personæ exciperem, pro-
ut tu me jamdudum exce-
pisti; vel ut Tertiam a-
liquam Personam alloqui
viderer, cum Teipsam re-
verà compellem. Ego cer-
tè inter Amicos sum
sine fucis & fallaciis;
meaque sententia est ut
Tecum (Larva exutus)
agam, non aliter quàm si
Ipse idem fuisset, qui
Officium, quod te non la-
tet,

*tet, singulare tibi præstissem, & Tute ipsa eadem quæ idem passa fu-
eris. Immò, certè Do-
mina, Hoc facti nuda
Veritas est; & ipse ego
me eundem fortunatum
hominem profiteor, cui ho-
nori summo fuit servitium
illud tam delicatissimæ Fœ-
minei Corporis parti absol-
vere. Servitium tùm tem-
pestivum, tùm expecta-
tum: Servitium non sine
omni*

44 NOBILIS

omni Humanitate & Modestia, tam datum, quàm acceptum: Servitium dico, flexis Genibus oblatum, neque minori Reverentiâ, quàm Silentio, dono datum; tàmque singulari Moderatione gestum, ut quamvis tam innumeræ omnium Venerum & Venustatum amœnitates astarent; quamvis Appetitus urgeret, me tamen solo insperati Contingentis beneficio bea-

*beavisse oculos. Nimis
es justa, Domina, &
plus justo sapis, quàm ut
Servitium in Flagitium
rapias; & indubitatè to-
tius Sexus prima, quæ
quempiam unquàm objur-
gaverit, qui tam magnum
ad Pulchritudinem mo-
mentum attulerat.*

HÆC

HÆC Epistola, quamvis fa-
 ceta satis alii cuiquam fu-
 erit, nequaquam *Aramintam* alli-
 cere potuit ut modicè subrideret.
 Totum quod dicebat, languidè
Neophile, tantum fuit, illam ad
Neophilam pertinere se credidisse,
 nec supra Tabulam, prout ipsa
 simulaverat, inventam; non quin
 minimè dubitaret, ex Argumen-
 to *Timantum* Authorem fuisse,
 tantummodò pigebat quòd sibi
 acciderat confiteri. Ex altera par-
 te permansit in sententia *Neophila*
 monstravitque *Aramintæ* Atra-
 mentum nondum etiam exicca-
 tum, scriptumque Papyrus, cum
 eo quod supra Tabulam fuit, u-
 num & idem esse; instabatque
 factum usque adeò, donec *A-*
ramintæ

PHARMACOPOLA. 47

raminta nihil aliud dicere potuit, quin *idem* esset *sibi*, an *Epistola* scripta fuerat ipsam *suprà Tabulam*, an *Atramento* suo super *Papyrus* suum exarata, tantisper dum *sibi* nunquam visa fuerat; nec cui designatam se novisse; aut quemquam unquam qui tale facinus perpetraverat illi innotuisse.

Neophila, cùm animadvertisset *Aramintam* ferè ad incitas redactam, *Historiam* pro certo credere non dubitabat, sed ut *Amicæ* misericordiam adhiberet, *Colloquium* interrupit; attamen ita negotium instituit, (nam insignis erat ejus expiscandi *Ars*) ut priusquam discessissent, rem totam haberet exploratam, & cum intimis illius consiliis seipsam consociaret. Et jam tempus erat *Amicæ* melancholicam, quæ tam insociabilem ipsam

48 NOBILIS

sam reddiderat, argumentis oppugnare, atque in meliorem animi habitum disponere.

Amabò *Araminta* (inquit *Neophila*) omitte teipsam excruciare de re tam abjecta tamque incerti detrimenti, ne aliis ludibrosis: An non, tuo arbitrato, stultitiæ summæ esset, si quælibet Fœmina, cujus Partes posteriores revolutæ fuissent, adeò tam infestam se gereret? Nollem te, de mea sententia, neque id aperte confiteri, nec tam pertinaciter inficiari; sed potius partim jocò partim seriò modicè prætereundum esse judicarem.

Illam *Araminta* non malè præcepisse censuit, & biduò post accepit à *Timanto* (cui pro Religione fuit illam adire) sequentem hanc Epistolam.

TIMAN-

TIMANTUS
CRUDELI
ARAMINTÆ.

I*ncertum est mihi quid
tibi videatur de Lite-
ris quas nudiustertius su-
pra Tabulam reliqui; at
crimen in te certè trahis,
si Me non hominem facil-
limum humanissimūque
confitearis ob labores quos*

C in

50 NOBILIS

in me cepi. Principiò, Magicas Artes consulendo, ut id investigarem quod tute ipsa velles me resciscere, nec tamen ausa fueris indicare. Tum verò ut sponte meâ Crimen faterer quod minimè tu probavisse potueras: Atque totum hoc, ut mandatis tuis satisfacerem.

Novissimo tempore, cum foelicitate tui videnti fractus fuisset, valde

te

te mihi propter Curiositatem meam succensuisse arbitrabar ; attamen nunc Consolationis tuæ gratiâ, haud tibi negandum est, Amoris Deum non paululum de me supplicii tui gratiâ sumere. Ut nihil reticeam, nec meliore nec deteriore conditione fruor, quàm si de sanitate ac mente deturbatus, ob quandam Fœminam quæ intra quadraginta octo ho-

ras mihi, ne faciem ipsius unquam posthac viderem, interdixit. Si tu hæc ipsa Mulier sis, non mei muneris est, ut istud tibi suggerem; sed è contrario, experiundum est mihi, ut id ex animo tuo defluat. Indesinenter enim ago, ut omnes vias persequar, quibus me tuam redigam in gratiam, & ut tibi amorem meum conciliarem, utque pergratum id tibi
pérque

pérque jucundum sit: Tum
 verò sic opinor, si tuæ dig-
 nitatis Fœmina deplorati
 Pharmacopolæ petitioni
 indulgeret, quàm longè
 id præter æquum & bo-
 num esset. Attamen, Do-
 mina, si singula pensare
 dignareris, ipse ego Phar-
 macopola sum qui Ægro-
 tantes suas eligit, quique
 solùm Mulieribus ob for-
 mas insignioribus suppedi-
 tat. Id quò certius con-

stet, ipsa eadem Araminta, cui nec formæ, nec pudicitie par, indubitata Testis erit. Famque, O Dii immortales! ubinam gentium est ille ipse tam nobili Genere natus, qui non mea vice Pharmacopole locum ambiret? Interim, Domina, me pro amicitia, confirma, quo statu apud te sum, & ad quæ tempora te videre licitum erit fac me

PHARMACOPOLA. 55

*me certiore. Tunc de-
mum prostratum ad pedes
jacere videbis fidelissimum
amantissimūque omnium
Mortalium qui te peculia-
ri colunt Adoratione*

Timantum.

C 4

Ludendi

LUdendi genus hoc affatim *Araminta* satisfecit, paulatimque *Timantum* apud Dominam longè aliâ conditione esse commendaverat; quæ ut minimè prætereundum est, Christianæ nimis charitati addicta fuit, ut contra quemquam Facetiis fluentem, lepidisque Moribus imbutum, malitiam ex corde diù exerceret. Attamen ut ad hanc, vel ad aliquam aliam adventuram Epistolam rescriberet, penitus erat averſata, donec totum id quod præterierat effluxisset, ne memoriam fabulæ refricaret.

Cæterùm hoc *Timanto* haud satis erat ut contentus esset; id enim agebat, ut amoris sui ardorem *Araminta* inculcaret, manifestèque

PHARMACOPOLA. 57

festéq; ostenderet, studium illud nullis difficultatibus affici potuisse. Ita, utrùm rescriberet, vel negligeret, hoc erat in animo iterum iterúmque illam scriptis suis adire, quamvis in incertum; quod paulò post fecit in hæc verba.

C 5 TIMAN-

TIMANTUS

Formosæ atq; obmutescenti

ARAMINTÆ.

Quid? quasi muta-
 files? Canemve me-
 putas indignum pabulo?
 omnino nunquam licebit i-
 terum Aramintam vi-
 dere? nec ab illa quidem
 vel saltem Literas expe-
 ctare? decies mille Rheu-
 matum

matum Chiragrarumque
laceffant Oculos Digitosq;
omnes omnium qui rem
tam moleftam & odiofam
agitaverunt. Et totum
hoc, quantumcunque eſt,
quamobrem? quoniam o-
culatus eram; Deliciasq;
illas perluftraveram, quas
tute ipſa denudaveras: id
ipſumque egeram quod tu-
te ipſa mandaveras, &
expectabas, quamvis (ut
patet) factum fuit vetitâ
manu.

60 NOBILIS

manu. Quid putas? nonne hæc Exilii causa est probatissima? Exquisita benè sanè ratio miserrimum omnium Mancipium, qui te tam perditè amat, exitio dandi. Amabò læsam permitte partem ipsam litem suam facere, neque Tu tam queribundus sis à parte superiore, ob id quod parti inferiori adeò salutiferum oblatum fuit. Ceterum hoc solum est quod

PHARMACOPOLA. 61

quod capio commodi qui
tam benevolus fui. Age,
age, perge, si placet, me-
que ut reverà officio Phar-
macopola fungar perPELLI-
to. Me formosis hianti-
búsque Emptoribus non
cariturum esse, haud du-
bium est, cùm inter om-
nes constaverit, me pri-
mum Periculum fecisse,
& quid in te potis eram
tentâsse. Ne me provo-
ces, sed facilis esto, nec
nimis

nimis serò sapito. Nam
si quando in universali meâ
praxi par spectaculum of-
fendam quod tute ipsa mi-
hi præbuiſti, non dubium
erit quin à te deficiam. Et
usque eò expectandum est
tibi, ut te meis Literis
persequar; sed si semel
defecerim, in æternum va-
leto.

Festivi-

Festivitatem hanc haud ab re
duxit *Araminta*; attamen
sibi deliberatum & constitutum
fuit, minimè aliquid rescribere:
quod *Timanto* ultimæ hujus E-
pistolæ necessitatem imposuit.

TIMAN-

TIMANTUS

Aramintæ Formosæ ;

Ubiubi erit

GENTIUM.

QUanquam vehementer me commotum reddidisti, tamen ad Misericordiam tam pronus sum ut hanc tibi culpam remittere potuerim si reverà vitâ defuncta sis ; sin aliter
conti-

PHARMACOPOLA. 65

contigerit tibi vivere at-
que valere, meritò me
indeprecabilem invenies.

Quid tandem est, cur cœ-
lum ac terras misceas
propter Clysterem? Pe-
rinde ac si totius tui Corpo-
ris Machinæ pulverem
Tormentarium subjecis-
sem. Siccine se res ha-
bet? ut Tu nunquam ite-
rum mihi visenda sis, quia
vidi Id, quod minime om-
nium me viderat, meique
penitus

penitus inscium est, nec aliquid unquam de me graviter tulerat, neque verò quicquam omnino usquam à me accepisset, nisi quod, ut Ancillæ muneri Vicarius, præstitissem? Non fuit causa cur te tantum excruciares propter id quod à parte inferiore transactum fuit, aut cur tua ipsius iracundia te tantum permoveret, ut idem in ore excandefaceres, quod

quod tam refrigeratum,
tamque salutare in ventre
se præbuisset. Aliquid
forsan amplius quod te la-
tet dicere potuissem, de re
quadam cujus testis ocula-
tus eram, & ab istac de
te poenas capere, si sic
mihi velle libitum fuerit.
At at satis.

Si certè sis desidera-
ta, penitus obscurum est
mihi, cur aliquid hujus-
modi tantoperè te commo-
veret ;

68 NOBILIS

*veret ; sin superstes ,
apagesis cum istis tuis man-
datis, meipsúmque ut vi-
vam finito ; cum certò cer-
tiùs sit, vel tuam Benig-
nitatem, vel Crudeli-
tatem, aut Vitam, aut
Mortem futuram esse*

Timanti.

H Æ

HÆ Literæ nullā meliorē fortunā apud *Aramintam* quam priores expertæ sunt, citōque nimis *Timantus* intellexit id genus scripturæ negotium suum nullo modo prorsus promovere; ut omninò nihil sibi relictum esset si non aliā aggrederetur viā, quā suæ Amasiæ (quam plus plūsque indies dilexit) se redigeret in gratiam. Neque ullam sibi commodiorem rationem judicavit, quam ut *Neophilam* sibi devinciret (quod proximum ejus opus erat) præsertim quum cognovisset illam quodcunque voluit apud *Aramintam* potuisse. Cui quid fieri velit cum ostendisset, illa probè promisit se omnia facturam, quantōsque processus

cessus efficiebat jam intellige-
tis.

Tempore constituto, cùm *Araminta*, se visura, adventare deliberâssset, *Timantum* priùs ad domum receperat; & illicò ipsum, ut sermones interpositos audiret, post *Peristromata* locaverat.

Araminta, inquit illa, *gratiam* necessum est ut mihi facias, & immediate mihi fidem dabis minimè te denegaturam.

Araminta fidem dextrâ fancivit, id futurum; & extemplò *Neophila Timantum* offerebat, ut ipsius veniam obsecraret; implorâque ipsam, quòd in posterum honorem illi seipsam invisendi, prout antea, concedere vellet. *Magis te, Domina, quàm oculos amo meos*, inquit *Neophila*, & in *Consuetudinem* te dedisse tam alacris tamque ingenui viri, neque te, neque me unquam pœnitebit. Huic

PHARMACOPOLA. 71

Huic *Neophila* intercessioni, *Timantus* genibus pronis supplex, animo demisso atque humili, modestoque vultu, quod potuit verbis consequi, succinebat.

Paulò plus temporis erat priusquam, ob inopinatum hunc adventum, *Araminta* potestatem in seipsam habuit ut ad se rediret; ac jam tum replicatura, iterum muta facta, ne *Aspectum* quidem *Timanti* sustinere potuit, cum aliam sui corporis partem, nimis ipsi innotuisse recogitaret: dumque in has cogitationes diducta fuit, aliquandiu stabat defixis oculis, neque verbum ullum interposuit. Attamen ulterius habitâ ratione, fixum sibi fuit nimis timidas istas ineptias missas facere, & aliquid *Timanto* dicere, qui toto hoc tempore genibus provolutus erat, in spem dum sibi Responsum redderetur. *Ti-*

*Timante (inquit illa) amica
 Summa mea est Neophila, & illius
 gratiâ, non molestè fero totum id
 quod præteritum est condonare;
 nam fieri non potest ut odio habeam
 quicquid ipsa, quodcunque fuerit,
 in clientelam receperit. Quamo-
 brem quod semel dixi, Timante,
 deinceps tibi confirmo, quòd quæ
 facta sunt, quasi non transacta fuis-
 sent, omninò nunquam recordabor.
 Caterùm ex altera parte necesse est
 ut te adjurem, minimè me posthac
 te visurum; & hanc, certa sum,
 non respues conditionem, saltem si
 verum est, quod maximè tibi cordi
 sit, ut meam redintegrare gratiam,
 aut si mei Tranquillitati animi, æ-
 què ac Famæ consulere velles; nun-
 quam enim mihi possibile videtur
 tui vultum sine pudore, atque mole-
 stia sustinere. Eâ lege ignosco tibi
 id quod mihi, non te dignum, fe-
 cisti*

PHARMACOPŌLA. 73

*cisti; quantumque meis jussis me-
rem gerendi studiosus fueris, re-
stabit mihi judicandum.*

Ah! Domina, inquit *Timan-
tus*, vellésne ut impossibilia a-
strictâ fide aggrediar? Si me ve-
lis ut *Amorem* meum per *Amoris*
incuriam demonstrarem, mihi
nihil interest utrum uno eodém-
que momento *amare & non amare*
interdiceres.

Amoris ipsa anima est Obje-
ctûs amati ante oculos obversa-
tio: illâ remotâ, vice *Consola-
tionis*, Amor ipse *Morbus* est.

Sed quanta hæc hominum summa,
inquit *Araminta*, qui contemplati-
one tantum contenti, *Cupiditatibus*
indulserunt, ubicunque gentium fu-
runt, desiderii igniculis tantummodo
deliniti?

Pace tua, Domina, inquit
Timantus, miserè cruciatus vivit,

D cui

74 NOBILIS

cui solum supersunt *Spes & Expectatio*: Verum utut tibi placuerit, utrum fortunatam, an amarissimam contigerit mihi vitam vivere; non deerit animi firmitudo patienter omnia ferre, nec non etiam tui studiosissimum esse usque ad extremum spiritum.

Sta promissis igitur, aiebat Araminta, & me tibi devincies, meâ causâ tibi ipsi pœnas dando.

Sic factum erit, Domina, (inquit *Timantus*) Vultu mœstus & conturbatus. At verò tandem fieri non potest, quin tempus----

Satis jam verborum est, inquit Araminta; tibi sufficere debet, te mihi pergratum fore, si quæ jusserim curaveris: Et est quod te moneo, quòd qui semel sollicitus fuerit ut ad voluntatem suæ Amasiæ seipsum conformet, nullâ re facilius ipsam sibi conciliabit. *Ti-*

PHARMACOPOLA. 75

Timantus, cùm intellexisset fœ-
licius hanc rem quàm arbitra-
tur sibi successisse, ulterius progredi
haud probè duxit; sed fidem
dans, promissâ perficere, ex *In-*
genii bonitate, *Temporisque accom-*
modatione, meliora sperabat even-
tura.

E contrario tam affatim *Ti-*
manti submissio amabili satisfacit
Araminte, tum *Amoris* erga se
studio, tum *Honoris* gratiâ,
quòd illi significaret, ipsam
quamprimum populi rumor consenu-
erit, iterum seipsam visurum ad-
mittere se paratam fore; & quod
ad se attineret, cùm ab omnibus sui
Criminis nulla amplius fuerit men-
tio, neque ipsam fore novissimam
que memoriam istius silentio præte-
raret.

Cùm dicendi finem fecisset,
Timantus, omnium officiorum

observantissimus, discessit. Nec longè post commorata est *Araminta*; sed nullo hac vice sermone dignata est *Neophilam*, de minima propensione, quam in se perceperat, viro indulgendi, quem nunc nuper cane pejùs & angue vitaverat.

Apparebat ex colloquio, quòd *Pharmacopola* *Ægrotans*que sua seipso jam satis intelligerent; neque verò res latuñt *Neophilam*; & cis paucos dies, suam eò redigit amicam ut tantundem confiteretur.

Ad quod tempus, *Lycander*, (inter *Procos* spei plenissimus, quamvis *Araminta* non admodum graciosus) de Rure redierat, ubi non sine negotio abfuerat. Ejus ad Adventum lepidissima *Clysteris* narratione hilarem in modum acceptus erat; quæ dele-

Etandii

etandi loco, multò magis ipsum (tam valdè zelotypum temerariumque) ita immoderatè ardere iracundiâ adegerat, ut vix verbis exprimi potuerit. Nihil aliud sibi sufficere potuit, quin in *Timantum* vindicandi sibi necessitatem imponeret; neque id etiam, at primò *Aramintam* (utcunque inculpatam) exprobrare constituit; quod satis supérque primâ suâ Visitatione fecit.

Spero te bene valere, Domina, inquit *Lycander*.

Ego optimè valeo, Domine, quòdque mihi de nostro statu gratularis gratias ago; replicat Araminta.

Profectò, Domina, inquit ille, haud mihi dubium est; quin optime valeas: enimverò non me latet te nuperrimè Medicinæ indulsisse, ut convaleas.

Araminta, quæ satis hominem, & illius sensum penitissimè calluerat, hoc illi minimè laboratum Responsum dedit, *Nescio quomodo tute ipse Rerum mearum tam sagax olfactor eveneris; attamen id, Bone Vir, asseverare ausa sum, & sic habeto, ut quicquid facio Medicine indulgendo, mea nihil refert, utrum, an non tibi placuerit.*

Attamen, Domina, reposuit *Lycander* ille *Rusticus*, quanquam id tibi non cordi sit ut *Animum* expleas meum, mille *Amatorum* sunt, quorum voluntatibus summæ tibi voluptati foret morem gerere: alioquin à quopiam, cui fors contigerit, infundi te Clystere nunquam permiseras.

At certò scito, quomodocunque res se habet (inquit illa, modestâ protinus erubescens indignatione) munus illud istiusmodi est, quod

PHARMACOPOLA. 79

quod nullo modo prorsus de te recipiam.

Sanè, Domina, inquit ille, nusquam ego talem ambivi dignitatem; officium illud exequendum relinquo Procorum meorum gregi, quibus forsan plus cordi fuerit; ego Pharmacopolam agere dedignor, & usque dedignabor.

Ne tibi cura sit, inquit Araminta, nunquam ego id periculum in te faciam, utrum dedigneris necne.

Tantò melius erit, Domina, inquit ille; vereor enim ne sim par *Timanto*.

Divinare non possum, inquit illa, quorsum evadas.

Sed astatim est, inquit ille, possum ego.

Jam satis diu fabulati fuerant hoc modo; & *Araminta* toties

D 4 quoties

80 NOBILIS

quoties illi tam acutè responsa reddidit, ut *Lycander* nihil reperire potuerit isto Adventu, quam ob rem tantopere se jactaret, & sic evanuit.

Urgebat ipsum per totam noctem negotium hoc; & primâ luce cum surrexisset, ad Hospitium ubi *Timantus* commoratus est, istorum se capessit, ut ex ædibus foras exeuntem observaret, Gladiôque vaginâ vacuo suspectum sibi detrimentum sarcire postularet. Namque id utcunque constituerat, ut in morem potius *Accidentalis Pugnae*, quàm *Destinatae Monomachiae* evenisse videretur. Horâ plus minus post ipsum expectaverat exit *Timantus*, nec longè remotus *Lycander* illum subsequitur, donec in obscurum Angiportum tam angustum quàm infrequentem perve-

PHARMACOPOLA. 81

pervenissent, & illico *Lycander* Gladium stringens ipsum adiit, præmonens illum ut seipsum tueretur.

Verbum unum *Timanto* sat fuit, qui tam fortiter pugnaverat, quòd *Lycander* antequam Certamen finitum fuerit, se maximum adiiisse periculum sentiret. Aequo Marte, per varios Impetus concertaverant; at jam tandem *Timantus* inimico paululum sanguinis detraxit, & forsan illi multò pejus evenisset, si non alii appropinquâssent, & Pugnam diremissent.

Conflictationem hanc non aliter quam *Occursum subitum* fuisse omnes arbitrabantur; haud tamen Adversarii tam immunes se ipsos comprobabant ut rigorem Juris experiri non dubitarent; idoque multò magis sibi-ipsis consu-

D 5 lendum

lendum esse existimabant, quò laterent, donec aut semetipfos conciliarent, aut ad extremum usque dimicarent.

Facile conjecturâ consequi potis es, quàm diversè quilibet horum sortem illius diei animadverterat; dum *Timantus* Lætitix plenus fuit, quia sibi tam in *Hostem*, quàm ex Procis unum, omnia ex sententia simul successissent.

E contrario *Lycander* vix se suspendere dubitabat. Sed id quod maximè hominem usserat, erat ridicula Litis origo. Si non accensus Furiis fuisset, (inquit ille) minimè propter *Clysterem* in tam immane periculum me iniecisset, nec de *Vita*, nec *Fama* naufragium fecisset; cum multis aliis hujusmodi.

Jam.

PHARMACOPOLA. 83

Jam verò dum *Lycander* adeò tantopere faviret, animoque angeretur, *Timanto* negotium fuit Amasiam suam Literis assequi; quod eodem die actutum fecit his conceptis verbis.

ARA-

ARAMINTÆ
FORMOSÆ,

Quam non audeo revifere.

TA M firmiter &
constanter in Ani-
mo habeo ; tàmque summâ
Necessitate cogor semper
tui juris esse, vel in omni-
bus tecum sentiendo, aut
omnia tecum improbando,
non aliter quàm tute ipsa
feceris, ita ut ob id quod
nuper-

nuperrimè mihi contigit,
nequeam dicere an melio-
re loco, vel deteriore sta-
tu sim, donec intellexero
num tibi ratum fuerit.
Si nihil in eo sit quod suc-
censeas, haud aliquid op-
tatius mihi cadere potuit;
sin secus, pereo funditus.
Interea statueram Joca-
tionis aliquid, oblectandi
gratiâ, tibi dono dare:
paucarum Horarum suc-
cissarum opus; sed mi-
hi

86 NOBILIS

hi ne mitterem interd-
ictum putavi, dum veri-
tus sum ne ab illa nimia li-
centia mensuram faceres
Observantiæ Venerationis-
que erga te

Timanti.

Araminta

A*Raminta* hanc Epistolam libenter accipiebat, sed nequam eo usque exorari potuit ut rescriberet; tantummodo vivâ voce *Timantum* certiolem fecit, pergratum sibi fore id oculis collustrare, cuius in Literis mentionem fecerat.

Id *Aramintæ* confestim à *Timanto* missum fuit, hujus quod sequitur societate conjunctum.

OPTA-

OPTATISSIMÆ

Fœminarum Omnium

In Toto

TERRARUM ORBE.

SI *Nugæ, quas tibi
jam concredidi, dis-
plicuisse contigerint, in te,
Domina, conferto cul-
pam, quia tute ipsa jussi-
sti : intelliges, si perlege-
ris, conamen illud esse con-
scriptum*

Scriptum in laudem -----
 alicujus quod anonymum
 erit. Infanti nondum No-
 men imponitur; Quid si
 Encomii Titulum adhi-
 beremus illi, vel quemvis
 alium, ut tibi placuerit?
 Hilaritas illa si te delectet,
 effeci id quod cupio. De
 taciturnitate mea ne dubi-
 ta, quin tam tenuis in
 verbis serendis fuero,
 quàm tute ipsa in illud o-
 stendendo, de quo fit Ar-
 gumentum,

mentum, cauta fueris. Crede hoc, Domina, meum fore, id nequaquam in lucem proferre, nisi tu sis eadem quæ contrarium palam feceris. Si sit aliquid in eo quod tibi displiceat, piget me fecisse, paratûsque sum ut veniam petam. Tum denique, tam crudelem esse te non possum credere, ut id in Contumeliam accipere velis. Fussi tuo quod feci factum fuit,

G

*Et si peccaverim, ecquid
amplius tibi comparare po-
tis es, quàm ut Pœniten-
tiam ageret, ac se submit-
teret*

Timantus ?

SUbrisit *Araminta* dum hanc
Epistolam perlegeret, quam
festinanter expedivit, ut ad id
quod sequitur adventaret.

N E

NE vivam, Domina,
si meminisse possim
unquam aliquid tam miri-
ficè me nuperrimè dele-
tâsse, quàm id----quod
te non latet. Reverà
prorsus, cum animo cogi-
tem speciosissimam illius
Figuram decoràmq; Pul-
chritudinem, me per-
suasum habeo, quod in to-
to terrarum Orbe nec ha-
beat id quod vidi ullum
sibi

sibi par, nec ullum secundum: tam nitidum, tam lævi Rotunditate molliter assurgens, tamque peræquâ Proportionem distributum. Tum prætereà quod ad Crasin attinet, Ruborem scilicet Candoremque purè naturalem, omnes omnium Rosarum Liliorumq; Colores, neque Nix neque Minium, quæ unquam Poetarum greges

greges in Carminibus,
eroticisque suis Fabulis,
post homines natos usque
ad hanc diem Fœminarum
Malis applicaverunt,
ullo modo cum ea com-
parari possunt. Et to-
tum hoc sine sumptu
Speculorum, Pulveris
Odorati, Pigmento-
rum, sive Spleniorum,
tantummodo mollis non-
nunquam Lavacri subsi-
dio, quod sufficit. Veris-
simum

*simum est Concinnum hoc
Animal aequè atque Amo-
ris Deum oculis orba-
ri: Tum verò nec minus
certum, quod si sit oculo-
rum expers, neque iisdem
careat. Quippe quòd nec
aliquid habeat operis vel
negotii, quin tam per Te-
nebras, quàm per Lu-
cem effici potuerit. Nec
in id efficiendo summa
etiam Prudentiâ destitu-
itur. Certè enim admo-
dum*

dum per pauca loquitur : Oblatum munus minimè respuere pulchre callet : cùmque satis sibi contigerit, quod factum fuit tacere benè novit. Communis omnium est Reconciliator, ac Diribitorium tam Fatuorum quàm Philosophorum ; & ut uno verbo dicam, Adminiculum, Solatium, Humanæque Naturæ Negotium.

E re

E re nata, plura for-
 san ultrò citròque dici
 potuerint, sed affatim
 hæc. Exoro te, Domina,
 cùm primùm amicus meus
 summus tibi visus fuerit,
 ut à me salutem illi pluri-
 mam impertire velles.
 Non sum nescius apud e-
 um te primam esse, ideòq;
 quòd penes te quoque sit
 pergrata Officia in me
 conferre; nec defuturam
 te dubito, si tam mei cu-

E pidissima

pidissima sis, quam meri-
tò exoptarem; præsertim,
cùm tibi satis constiterit,
inesse huic ingenii festivi-
tati tantam Amoris, &
Reverentiæ vim & mag-
nitudinem, ut nullius ca-
pacior esse potuerit Anima.

Timanti

Incer

INcerta fuit *Araminta* quid conjecturæ faceret de farragine hujus Epistolæ ; aliquid enim continebat quod *risum* merebatur, & rursus aliquid quod ipsam *commotam* redderet : quippe quod *Timanti* festivitas extramodum prodiisset, cum Famam tam castæ ac verecundæ Virginis quasi ludibrio habitam exposuisset, atque id quidem res ipsa fuit quam illa ægerrimè tulit. Sed de Circumstantiis ratione habitâ, necnon de frequenti illorum incogitantia, qui quicquid in buccam venerit inter jocos effutire usurparunt, sine mora præterendum esse statuit.

Ex eo, (nam ab amicis & opportunitate quid non sperandum
E. 2. est)

est) tandem Rex pacatus erat, cum non paucis asseverationibus certior factus fuisset, certamen id fortuitò contigisse, nec designatum, neque præmeditatum. Tum locus constitutus erat ad conveniendum aptus, apud domum alicujus qui ambobus ex animo bene velle studebat, ut inter certantes Inimicos iterum pacem redintegraret. In eum locum ad rem disceptandam introducti sunt; sed *Lycandrum* ut illuc adveniret hic labor, hoc opus erat exorare.

Postquam putabant omnia ex sententia bene successisse, rogans illorum unus quo pacto tantas turbas inter sese concivissent, *Timantus* fidem fecit se penitus nescire, verum quòd *Lycander* primò certamen intentans, illi prorsus rationem reddere potis erat. E

E contrario replicat *Lycander*, id *Timanto* satis constituisse neque tam inscium eum esse, prout ipse simularet: quod *Timantus* iterum ac sæpius dejerabat non paucis Juramentis, Execrationibusq; tam innumeris, ut omnes uno ore *Lycandrum* adirent rem ipsam indicare obsecrantes. Ille omnia molitur, nè id faceret, sed eò magis instabant, neque ullum effugium assequi potuit, cùm omnes secum reputarent *Timantum* contra jus fasque injuriis sine causa illum provocare noluisse. Jamdudum sollicitaverant ut vix denique prævalerent; tamen ad extremum *Lycander* apertè dixit, se de *Timanto* Zelotypum fuisse, Gladiumque nudavisse ut indignum facinus in Dominam sibi semper in honore habitam vindicaret; quam Dominam *Timan-*

tus, fortuitò Clysterem infunden-
do, nimis injuriosè tractaverat.
Ad hæc Societas cachinnum fu-
stulit, atque unus ex iis multò
magis præ cæteris in risum solu-
tus, tam acrem sonitum dedit,
ut illi *Lycander* Furibundus, ac
Mente captus, ut qui in ridiculo
habitum se sentiret, colaphum
impingeret, ita ut Aula non mi-
nùs alapà quàm cachinnò concu-
teretur. Casu tam subito So-
dalitium in varias & discrepantes
scinditur partes. Cum *Lycandro*
stabant aliqui, necnon etiam *con-*

diis momento temporis ea res
ad manus atque ad pugnam ve-
niebat. Erant inter eos qui ma-
jori sapientiâ imbuti, illorum
turbas atque rixas, quamvis
haud difficulter, pacaverunt;
sed non tam citò, quin duo vel
tres,

tres, nimium precipitanter inflammati, vulnerarentur; quorum *Lycander* unus erat, qui (quasi præmium temeritati debitum) stultitiæ suæ pœnas dedit. Læsus erat non sine periculo; tamen id minima doloris sui pars erat: namque nihil ipsum magis sollicitabat, quàm ut tam insignes ineptias egisse videretur, quo Famam ipsius in discrimen committeret. Oh quantis seipsum diris prosequabatur; Proh Jupiter! hinc mihi, inquit, (me scabies urgeat) prurientis Amoris fructus, hocne petulantis Mancipii præmium! sint eadem universis mei similibus expectanda: Dii Dæque omnes illam, atque illius omnia meipsumque perdant, ipsius si unquam iterum mentionem faciam. Accepi duo vulnera pro uno Clystere. Quod-

Quodcunque dictum, vel factum à *Lycandro* fuit, id ipsum *Araminta* renunciatum erat, cui Zelotypia incredibilisq; Stupiditas hominis jam satis innotuerat; ideoque omnino omnia ita dicta, ita transacta fuisse, nullo modo prorsus suspicari potuit. Age, inquit illa, quandoquidem sibi ipsi dejerare tantopere perplacuit, faciam ego uuum hoc quoque Juramentum; nunquam me illum iterum intuituram, si possibile fuerit, ut illius aspectum aufugere possim.

Jam tum cum primùm *Araminta* fixum fuit, ipsum quidem illud quod decrevisset persequi, intrat *Neophila*, vice *Timanti* de Connubii conditionibus disceptatura; qua in re non solum *Araminta* secum reputabat se sui juris esse, verùm etiam tam Honoris


noris, quàm rectæ Rationis, propriæque suæ Voluntatis vinculis astrictam. Præterea, *Lycandrum* à se penitus abalienaverat.


Clysteris hoc eventum ad futuras Nuptias multum admodum contulit. Reputabat enim *Araminta* familiaritatem illam cum posterioribus Mulieris partibus quasi quoddam Conjugale Privilegium, efficacitèrque duxit in arrham Matrimonii datum: quod propediem consummatum erat, miserrimi *Lycandri* nullâ ratione habitâ; qui per totum id tempus lecto tenebatur, tantis Corporis angoribus, tàmque incredibilibus Animi molestiis implicatus, ut vix intellectu concipi potuerint. Visum erat omnibus quiddam portentosi generis *Clysteris* hujus fuisse vim: namque *Cor* ipsum *Araminta* virtute suâ suffudit, utque


utque duo in unum coirent efficiebat; qui cum plus plúsque milles usitato more seipsum invisissent, tamen ne quicquam tale aliquid unquam antea somniassent.

Hæc *Pharmacopola* Historia *Ægrotantisq;* suæ, permultas *Jocationes*, *convivalesque Fabulas* inter *Ingeniosos & Facetiarum* pleños frequenter agitabat; nullis tamen Famæ maculis nec *Contumeliarum aculeis*; nam ambo pares suavitate *Morum* quàm *Naturæ* dotibus affulserunt; & totum quod dictum fuerat, vel dici potuerit, hoc unum erat, *Timentum tam feliciter opus suum explevisse, ut jure ac merito præmiis sibi debitis donaretur.*

FINIS.







31-2

